



პერსონალურ მონაცემთა  
დაცვის სამსახური

# პერსონალურ მონაცემთა დაცვის სამსახურის 2022 წლის 4 თვის საქმიანობის სტატისტიკა



/მარტი-ივნისი/



## სარჩევი

<b>პერსონალურ მონაცემთა დამუშავების კანონიერების კონტროლი.....</b>	<b>2</b>
მოქალაქეთა მომართვიანობა.....	3
მონაცემთა დამუშავების კანონიერების შემოწმება (ინსპექტირება).....	3
გამოვლენილი ადმინისტრაციული სამართალდარღვევები.....	5
სამსახურის მიერ გაცემული დავალებები და რეკომენდაციები .....	6
სამსახურის მიერ გაცემული კონსულტაციები .....	7
საინფორმაციო უზრუნველყოფის და ტრენინგები .....	7
<b>ფარული საგამოძიებო მოქმედებებისა და ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებული აქტივობების კონტროლი .....</b>	<b>8</b>
შეჩერების მექანიზმი.....	9
სხვა ძირითადი სტატისტიკური ინფორმაცია .....	10


## პერსონალურ მონაცემთა დამუშავების კანონიერების კონტროლი

პერსონალურ მონაცემთა დამუშავების კანონიერებაზე კონტროლის მიზნით, პერსონალურ მონაცემთა დაცვის სამსახური ახორციელებს პრევენციულ ღონისძიებებს და რეაგირებს საჯარო თუ კერძო დაწესებულებების მიერ მონაცემთა არაკანონიერი დამუშავების ფაქტებზე. უწყება მონაცემთა დაცვის საკითხებზე კონსულტაციას უწევს დაინტერესებულ პირებს, ზრუნავს საზოგადოების ცნობიერების ამაღლებაზე, განიხილავს მოქალაქეთა განცხადებებს და ინსპექტირების გზით ამოწმებს პერსონალურ მონაცემთა დამუშავების კანონიერებას.

სამსახურში ფუნქციონირებს სამი დამოუკიდებელი დეპარტამენტი (საჯარო სექტორზე, კერძო სექტორზე და სამართალდამცავ ორგანოებზე ზედამხედველობის დეპარტამენტები), რომლებიც მონაცემთა დაცვის საკითხებს განიხილავენ სექტორულად.

## მოქალაქეთა მომართვიანობა

სამსახურმა მიიღო 152 განცხადება/შეტყობინება, რომელთაგან 73 (48%) შეეხებოდა მონაცემთა დამუშავებას კერძო დაწესებულებებში, 40 (26%) — საჯარო უწყებებში, ხოლო 39 (26%) — სამართალდამცავ ორგანოებში.




## მონაცემთა დამუშავების კანონიერების შემოწმება (ინსპექტირება)

სამსახური საჯარო და კერძო დაწესებულებების მიერ მონაცემთა დამუშავების კანონიერებას ამოწმებს როგორც გეგმურად, ასევე არაგეგმურად. „პერსონალურ მონაცემთა დამუშავების კანონიერების შესწავლის წესის დამტკიცების შესახებ“ პერსონალურ მონაცემთა დაცვის სამსახურის უფროსის 2022 წლის 2 მარტის №04 ბრძანების მიხედვით, მონაცემთა დამუშავების კანონიერების გეგმური შემოწმება (ინსპექტირება) ხორციელდება სამსახურის უფროსის ინდივიდუალური სამართლებრივი აქტით დამტკიცებული შემოწმებების წლიური გეგმის შესაბამისად. ხოლო მონაცემთა დამუშავების კანონიერების არაგეგმურ შემოწმებას (ინსპექტირებას) სამსახური ატარებს საკუთარი ინიციატივით ან დაინტერესებული პირის შეტყობინების საფუძველზე.

სამსახურმა ჩაატარა 38 მონაცემთა დამუშავების კანონიერების შემოწმება (ინსპექტირება). მათგან 32% (12) ჩატარდა გეგმურად, ხოლო 68% (26) — არაგეგმურად.

### შემოწმება (ინსპექტირება)



კერძო დაწესებულება

საჯარო დაწესებულება




სამართალდამცავი ორგანო




■ გეგმური ■ არაგეგმური

## გამოვლენილი ადმინისტრაციული სამართალდარღვევები

სამსახურმა დაადგინა პერსონალურ მონაცემთა არაკანონიერი დამუშავების 36 ფაქტი. სამსახურის მიერ გამოვლენილ ადმინისტრაციულ სამართალდარღვევათა 56% (20) შემთხვევა შეეხებოდა კერძო სექტორში, 33% (12) — საჯარო სექტორში, ხოლო 11% (4) — სამართალდამცავ ორგანოებში მონაცემთა არაკანონიერ დამუშავებას.




გამოვლენილ ადმინისტრაციულ სამართალდამრღვევთაგან 18 პირს ადმინისტრაციული სახდელის სახით დაეკისრა ჯარიმა, ხოლო 15 პირს — გაფრთხილება.





## სამსახურის მიერ გაცემული დავალებები და რეკომენდაციები

გარდა ადმინისტრაციული სახდელის დაკისრებისა, დაწესებულებებში აღმოჩენილ ნაკლოვანებათა აღმოფხვრის მიზნით, გამოვლენილი ხარვეზების გამოსასწორებლად, სამსახური გასცემდა შესასრულებლად სავალდებულო დავალებებს<sup>1</sup> და რეკომენდაციებს.<sup>2</sup> სამსახურმა გასცა ჯამში 49 დავალება და რეკომენდაცია, რომელთაგან 33% (16) მიემართებოდა კერძო დაწესებულებებს, 57% (28) — საჯარო დაწესებულებებს, ხოლო 10% (5) — სამართალდამცავ ორგანოებს.



<sup>1</sup> **დავალება** არის სამსახურის მიერ მონაცემთა დამმუშავებლისთვის ან/და უფლებამოსილი პირისთვის წერილობითი ფორმით მიცემული შესასრულებლად სავალდებულო მითითება „პერსონალურ მონაცემთა დაცვის შესახებ“ საქართველოს კანონის 40<sup>14</sup> მუხლის პირველი პუნქტის „ა“-„დ“ ქვეპუნქტებით გათვალისწინებული ღონისძიებების განხორციელების შესახებ.

<sup>2</sup> **რეკომენდაცია** არის სამსახურის მიერ მონაცემთა დამმუშავებლისთვის ან/და უფლებამოსილი პირისთვის წერილობითი ფორმით მიცემული რჩევა მონაცემთა დამმუშავების პროცესში დარღვევების რისკების შემცირების მიზნით.

## სამსახურის მიერ გაცემული კონსულტაციები

პერსონალურ მონაცემთა დამუშავების საკითხებზე სამსახური ასევე ახორციელებს საკონსულტაციო საქმიანობას. ამ მიზნით მას მომართავენ კერძო და საჯარო სექტორის წარმომადგენლები, აგრეთვე, მოქალაქეები. კონსულტაციები გაიცემა როგორც ზეპირი (სატელეფონო და პირადი შეხვედრების ფორმატში), ასევე წერილობითი ფორმით. სამსახურის მიერ გაცემული კონსულტაციები შეეხება პერსონალურ მონაცემთა დაცვის კანონიერების კონტროლს (1074 კონსულტაცია), ასევე სხვა სამართლებრივ საკითხებს (10 კონსულტაცია).

გაცემული კონსულტაციების ჯამური  
რაოდენობა

1084

## საინფორმაციო შეხვედრები და ტრენინგები

სამსახური აქტიურად ახორციელებს საგანმანათლებლო საქმიანობას მონაცემთა დამუშავებასა და დაცვასთან დაკავშირებულ საკითხებზე. პერსონალურ მონაცემთა დაცვის შესახებ ცნობიერების ამაღლების მიზნით, სამსახური სისტემატურად ატარებს საჯარო ლექციებს, საინფორმაციო შეხვედრებსა და ტრენინგებს კერძო და საჯარო სექტორის, მათ შორის, სამართალდამცავი ორგანოების წარმომადგენლებისთვის.

სამსახურმა ჩაატარა 13 შეხვედრა 490 დამსწრე პირთან, რომელთა ნაწილი წარმოადგენდნენ როგორც მონაცემთა სუბიექტებს, ისე მონაცემთა დამმუშავებლებს.

სამსახურის მიერ ჩატარებული შეხვედრები და დამსწრე  
პირები



13

შეხვედრა



490

მონაწილე



## ფარული საგამომიებო მოქმედებებისა და ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებული აქტივობების კონტროლი


სამსახურის ერთ-ერთი ფუნქციაა ფარული საგამომიებო მოქმედებებისა და ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებული აქტივობების კონტროლი. სამსახური ზედამხედველობს საქართველოს სისხლის სამართლის საპროცესო კოდექსის 143<sup>1</sup> მუხლის პირველი ნაწილით განსაზღვრულ ფარულ საგამომიებო მოქმედებებს, ასევე, ამავე კოდექსის XVI<sup>1</sup> თავით გათვალისწინებული დათქმებისა და სავალდებულოდ შესასრულებელი ნორმების დაცვის კუთხით.

ფარული საგამომიებო მოქმედებებისა და ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებული აქტივობების გასაკონტროლებლად, სამსახურს 24-საათიან რეჟიმში მიეწოდება სასამართლოს განჩინებები ასეთი მოქმედებების ჩატარების ნებართვის გაცემის შესახებ, პროკურორის დადგენილებები გადაუდებელი აუცილებლობისას ფარული საგამომიებო მოქმედების ჩატარებაზე და სამართალდამცავი ორგანოების მიერ ფარულ საგამომიებო მოქმედებებთან დაკავშირებით შედგენილი ოქმები. სამსახური ასევე იღებს დოკუმენტებს, რომლებიც ასახავს ელექტრონული კომუნიკაციის კომპანიების მიერ კომუნიკაციის მაიდენტიფიცირებელ მონაცემთა გადაცემას სამართალდამცავი ორგანოებისთვის. სამსახური ამოწმებს მიღებულ დოკუმენტებს, ადარებს ელექტრონულ სისტემებში ასახულ ინფორმაციას, დოკუმენტაციაში ასახული მონაცემები შეაქვს ფარული საგამომიებო მოქმედებების აღრიცხვის შიდა ელექტრონულ სისტემაში და აანალიზებს მათ.

ზემოაღნიშნული მექანიზმების გარდა, ფარული საგამომიებო მოქმედების — სატელეფონო კომუნიკაციის ფარული მიყურადებისა და ჩაწერის მონიტორინგისთვის, სამსახური იყენებს კონტროლის ელექტრონულ და სპეციალურ ელექტრონულ სისტემებს, ხოლო ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებული აქტივობების კონტროლისათვის გამოიყენება ელექტრონული კომუნიკაციის მაიდენტიფიცირებელ მონაცემთა ცენტრალური ბანკის კონტროლის ელექტრონული სისტემა.

## შეჩერების მექანიზმი





სამსახურმა სატელეფონო კომუნიკაციის ფარული მიყურადება-ჩაწერის შეჩერების მექანიზმი (კონტროლის ელექტრონული სისტემის საშუალებით) 53 შემთხვევაში გამოიყენა, რაც გამოწვეული იყო სასამართლოს განჩინების დაგვიანებით წარმოდგენით (51 შემთხვევა), სასამართლოს მიერ გადაუდებელი აუცილებლობიდან გამომდინარე პროკურორის დადგენილების საფუძველზე დაწყებული ფარული საგამომიებო მოქმედების უკანონოდ ცნობით (1 შემთხვევა) და ფარული საგამომიებო მოქმედების შეწყვეტით (1 შემთხვევა).<sup>3</sup>




<sup>3</sup> ფარული საგამომიებო მოქმედების შეწყვეტის შესახებ პროკურორის დადგენილება სსიპ „საქართველოს ოპერატიულ-ტექნიკურ სააგენტოში“ წარდგენამდე გადმოეცა სამსახურს. შესაბამისად, სააგენტოს მიერ ინფორმაციის მიღებამდე და საგამომიებო მოქმედების შეწყვეტამდე, სამსახურმა შეაჩერა სატელეფონო კომუნიკაციის ფარული მიყურადება და ჩაწერა.

## სხვა ძირითადი სტატისტიკური ინფორმაცია

---

-  სსიპ „საქართველოს ოპერატიულ-ტექნიკურ სააგენტოს“ სასამართლოს მიერ სატელეფონო კომუნიკაციის ფარული მიყურადება-ჩაწერაზე გაცემულ ნებართვებში არსებულ ბუნდოვანება-უზუსტობაზე (კონტროლის ელექტრონული სისტემის საშუალებით) ეცნობა 8-ჯერ.
-  კონტროლის ელექტრონული სისტემის საშუალებით სატელეფონო კომუნიკაციის ფარული მიყურადება-ჩაწერის პროცესში ინციდენტი არ გამოვლენილა.
-  ელექტრონული კომუნიკაციის მაიდენტიფიცირებელ მონაცემთა ცენტრალური ბანკის კონტროლის ელექტრონული სისტემით სამსახურისთვის მოწოდებული ინფორმაციის საფუძველზე, ელექტრონული კომუნიკაციის მაიდენტიფიცირებელ მონაცემთა ცენტრალური ბანკიდან სსიპ „ოპერატიულ ტექნიკური სააგენტოს“ მიერ მონაცემები სასამართლოს შესაბამისი გადაწყვეტილებების საფუძველზე გაიცა 29-ჯერ.
-  ელექტრონული კომუნიკაციის მაიდენტიფიცირებელ მონაცემთა ცენტრალურ ბანკში განხორციელებულ აქტივობათა კონტროლის შედეგად რაიმე ხარვეზი ან ინციდენტი არ გამოვლენილა.



(+ 995 32) 242 1000

[office@pdps.ge](mailto:office@pdps.ge)

[www.pdps.ge](http://www.pdps.ge)